

Papia 2 Jon da Mandagit

But piso gen

Amin morapmi da Jon Yesu dakon paɗdetni unun da mani anƙisibiɗek iyi do ‘kila amin kɪnda’ yan yanek papia on mandagit yan nandan. Papia on kokup kɪnda dakon paɗmuwukbi do mandagit. Unun paɗmuwukbi do tilak anek ‘miɗat kɪnda gat gwakni gat’ yan yosok. (Gagi 4-5 do koki.) Unun miɗat dakon peni dakon gwakni unun paɗmuwukbi ae kabi kɪnda do yosok. Unun da gagi 13 non gildatni tagi yipmangan.

On papia dakon gen madep ton unun Piɗkop dakon gen paɗupbal anek top yon amin pindak kimagek amin do but dasi galak tan yomyom anpak an kimotni do yosok.

Nin Piɗkop gen tebaisi abidanek gen ɗwakiɗwari do pindak kimotneɗ

¹ Nak paɗmuwukbi dakon kila amin da miɗat gak gat ae gwakgo* gat do papia on mandan damisat. Piɗkop da gak iyi do manjigit. Nak asisi ji do but dasi galak tan damisat, ae nak gin dima, miɗat amin morap gen bami nandan unun kisi da ji do but dasi galak tan daman. ² Gen bami ninon tosoƙ, ae dagok dagogi mini tokdisak. Unun do anek but dasi galak tan damaman.

³ Gen bamikon ae but dasi galak tan yomyom anpagon Piɗkop Dat ae Monji Yesu Kristo unun da

* **1:1:** Unudon ‘miɗat gak gat ae gwakgo gat’ unun paɗmuwukbi kɪnda dakon tilak asak.

gisam dabal nandan yawotni gat ae bupm̄ni gat ae but yawotni gat da ji da eḡip eḡipmon tosak do bisit asat.

Butdasi galak tañ yomyom dakon anpak aneñ

⁴ Dat da aneñsi do yaḡit uñun da arīpmon miñat gak dakon miñat monjiyo diwari da gen bami yolgan. Nak uñun dakon gen nandanek but galak madepsi nandagim. ⁵ Ae miñat, gen kindā yolni do nandisat uñun yañ: Nin kalon kalon amin do but dasi galak tañ yomiñ yomiñ aneñ. Gen teban uñun kalugi dima. Ji nandan gadat si wasanek awit bisapmon da uñun gen teban kili abidawit da abidan anañ obañ. ⁶ Butdasi galak tañ yomyom dakon mib̄lisi uñun yañ: Nin Piñkop dakon gen tebani guramigek aḡipneñ. Ji wasanek nandan gadat si awit bisapmon da gen teban kindā nandawit uñun yañ: but dasi galak tañ yomyom dakon anpak anek aḡipni.

Kristo dakon gen tebai abidoneñ

⁷ Kosit kilegi yipman detni do pan̄kewalgañ amin morapmi m̄ktimi m̄ktimi akwañ. Uñun da Yesu Kristo am̄insi dagaḡit yañ dima nandan teban toñ. Amin uñuden uñun top amin ae Kristo dakon uwalni. ⁸ Do pakyañsi kañ kimotni. Pi teban anek yo abidawit uñun di yipman dekbam. Pakyañsi kañ kimotni kañ, uñun dakon tomni taḡi timitdañ. ⁹ Amin kindā Kristo dakon gen yipmanek gen ñwakñwarikon kisak kañ, Piñkop uñun amin gat dima eḡisak. Mani amin kindā Kristo dakon gen tebai abidosok amin uñun Dat gat ae Monji gat

uñun aminon ekwamal. ¹⁰ Amin kinda da abin Kristo dakon gen bami dima dayin detjak kan, uñun amin gildat tagi yan dima iyini, ae yutjikon dima ankini. ¹¹ Amin kinda unuden amin gildat tagi yan iyisak kan, anpuluganban pi yokwini kisi da amal.

Kila amin da kin pindat do nandagit

¹² Gen morapmi ton, mani papiakon mandak do dima nandisat. Abin dandabo gen yan nandat anej kan tagisi yan nandisat. Yan anej kan, nin dakon kisik kisik da madepsi tugosak.

¹³ Pego dakon gwakni Pin kop da iyi do manjigit, uñun da gildat tagi yan gayan.

PIN^KOP GEN
The New Testament and Psalms in the Yopno Language
of Papua New Guinea
Nupela Testamen na Buk Song long tokples Yopno long
Niugini

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

PDF generated using Haiola and XeLaTeX on 11 Nov 2022 from source files dated 9 Oct 2020

b683ce50-d820-5bfc-8471-d8ee080be106